



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 2. Vtrum Sacmenta solùm sint ex institutione diuinà.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Q V A E S T I O L X I V .

De Ministro Sacramenti.

In Decem Articulos divisa.

ARTICVLVS I.

Vtrum solus Deus operetur interiorius ad effectum Sacramenti?

Respondetur; Solus Deus operatur interiorum effectum Sacramenti, ut agens principale: Minister autem, per modum instrumenti. Vbi

Minister
nos vnde
Deo recon-
ciliat.

Notandum Primo, Contra Hæreticos hujus temporis, Ministerum Sacramenti reconciliare non Deo, & remittere peccatum, non solum tanquam concionatorem, sed per veram potestatem ministeriale. Patet hoc Matth. 16. v. 10. Tibi dabo claves regni celorum, quæcumque ligaueris super terram, erunt ligata & in celis, & Matth. 18. v. 18. Quæcumque ligaueris super terram, &c. Quæ verba non possunt intelligi de concione, quia qui quis valens concionari, potest sic remittere peccata. Ioannis 20. v. 22. Insufflavit in discipulos suos, & dicit eis; Accipere spiritum sanctum, quorum remiseritis peccata, remittuntur eis; & quorum retinueritis, retenentur. Quig tam insigni facto (inquit Concil. Trident. sess. 14. cap. 1.) & verbis tam perspicuis, potestatem remittendi & retinendi peccata, ad reconciliando fideles post Baptismum lapsos, Apostolis & eorum legitimis successoribus suisse communicatam, vniuersorum Patrum consensus semper intellexit. Ratio est; Quia Sacramenta conferunt gratiam ex opere operato, ut supra ostentum est. Atqui minister est causa Sacramenti, scilicet secundaria & ministerialis: ergo simili modo est causa gratiae. Vnde

Non autem
cius Cha-
racter.

Notandum Secundo, Ministerum non esse causam gratiae aut remissionis peccatorum, nisi mediante Sacramento, quatenus nimis illud conficit & applicat; contra quosdam, qui imaginantur Characterem habere immediatū influxum in animam eius, cui conferunt Sacramentum. Patet ex D. Augustino lib. 4. de Baptismo cap. 22. Sacramentum (inquit) ministrorum operâ corporaliter adhibetur; sed Deus per illud, hominis conseruationem spiritualiter operatur. Et lib. 3. contra literas Petilianii Donatistæ cap. 54. Ad dispensandam & ministrandum verbum ac Sacramentum, aliquid est, (minister scilicet): ad mundandum vero ac iustificandum, non est aliquid; quia hoc non operatur in interiori homine, nisi per quem creatus est totus homo: Intellige, non operatur immediate, ac proprio influxu, sed bene mediate.

ARTICVLVS II.

Virum Sacra menta solum sint ex institutione diuina?

Notandum est; Quosdam existimasse, non omnia Sacra menta esse immediatè à Christo instituta; sed Confirmationem sub hac Ma-

teria & forma institutam à Concilio Meldensi circa annum Domini 845. Ita Halensis 4. parte qu. 24. membro 1. quem sequitur Bonaventura in 4. dist. 7. q. 1. Et Magister dist. 23. videtur sentire extremam Vnctionem institutam à beato Iacobo; quamvis possit hoc benignè explicari, institutam pro promulgatan.

Dico Primo, Fide tenendum est, omnia Sacra menta nouæ legis immediatè à Christo domino esse instituta. Est definita in Concil. Tridentino sess. 7. can. 1. Si quis dixerit Sacra menta nouæ legis non fuisse omnia à Christo instituta, Anathema sit.

Dices; Hoc intelligendum generatim de institutione mediata vel immediata: quod enim Apostoli, vel Concilia instituerunt, à Christo censerunt institutum. Sed contrà: Primo, Quia nemo de tali institutione potuit dubitare. Secundò, Quia Concil. Trident. sess. 14. can. 1. de extrema Vnctione hanc responsionem excludit, definiens extremam Vnctionem à Christo domino esse institutam & ab Apostolo Iacobo promulgatam: ubi Apostolo relinquit solum nudā promulgationem, Christo tribuens immediatam institutionem. Idem potiori iure sentiendum de Confirmatione, quia est Sacramentum perfectionis imprimens characterem. Tertiò, Quia eodem modo Christus diceretur instituisse omnes ceremonias Ecclesiæ; quia saltem mediatè instituit per Ecclesiam, cui hanc auctoritatem dedit; quod tamen negat Concil. Tridentinum sess. 21. c. 2.

Nunc Probatur aliquot Rationibus. Prima, Cùm Sacra menta ex vi sua institutionis conferant gratiam, oportebat ut immediatè ab ipso auctore gratiae instituerentur. Secunda, Sacra menta veteris legis omnia fuerunt immediatè à Deo instituta; multò ergo magis Sacra menta nouæ legis, quæ infinitis partibus soperant vetera. Tertia, Quia Christus est auctor nouæ legis: ergo & Sacramentorum eius, quæ sunt veluti præcipue bases, quibus lex noua, & forma reipublicæ Christianæ conflat. Quarta, Ceremonie & ritus ab Apostolis instituti, possunt ab Ecclesia mutari: ut expressè docet Concil. Tridentinum sess. 21. cap. 2. de communione sub utraque specie: Atqui nullius Sacra menti materia, forma, aut virtus potest ab hominibus mutari; ut ibidem insinuat Concilium: ergo nullum Sacra mentum institutum est ab hominibus. Quinta, Pauet Scriptura 1. ad Corinth. 4. ver. 1. Sic nos existimet homo, ut ministros Christi, & dispensatores mysteriorum Dei. Vnde Ambrosius lib. 4. de Sacramentis cap. 4. Auctor Sacra mentorum quis est, nisi Dominus Iesus?

Dico Secundo, Christus est auctor Sacra mentorum per naturam humanam, seu per potestatem excellentiam, quam habebat in natura humana ex unione ad personam Verbi. Probatur Primo, Quia per naturam humanam satisfecit pro peccatis nostris, & omne bonum spirituale nobis promeruit, ut patet ex supra dictis de Merito Christi. Atqui per Sacra menta applicantur nobis Christi merita: ergo

Omnia Sa-
cra menta
nouæ legis
sunt à Chri-
sto imme-
diatè insti-
tuta.

Rationes
congruen-
tia.

Instituto
ca quæ ho-
mo potest
rate excel-
lentia.

ta: ergo conueniens erat per eamdem naturam Sacraenta instituere. Secundò, Quia Sacramentorum institutio pertinet ad munus Sacerdotij Christi; nam per Sacraenta nos sanctificat: at qui Christi est Sacerdos per naturam humanam: ergo &c. Tertiò, Quia Christus per naturam humanam habebat auctoritatem remittendi peccata, & sanctificandi homines, etiam absque Sacramento: vt patet Matthœi 9.v.6. & Marci 2.v.10. Ut sciat, quia Filius hominis habet potestatem in terra remittendi peccata, &c: ergo etiam poterat externa signa instituere, quorū applicatione homines sanctificarentur.

ARTICVLVS III.

Vtrum Christus ut homo haberet potestatem operandi interiorem effectum Sacramentorum?

Respondetur, Christus quā Deus habet potestatem auctoritatis: quā homo habet potestatem excellentis ministerij, respectu interioris effectus Sacraenta.

Potestas Auctoritatis, & excellens ministerij.

Vbi nota, Potestatem Auctoritatis, esse potestatem causa principalis, non dependentis ab illa superiori, quā potestas est solius diuinitatis. Potestas autem excellentis ministerij cōsistit in quatuor, iuxta D. Thoman. Primo, Quod ab eius meritis Sacraenta omnem vim acceperint. Secundò, Quod in eius nomine consecruntur. Tertiò, Quod ipse solus ea potuerit instituere. Quartò, Quod absque Sacraentis possit conferre gratiam, etiam ut homo. Vide dicta supra de Incarnatione qu. 22. ar. 6. dubio 1. vbi paulo plenius hanc potestatem explicuimus, comprehendentes hec quatuor sub secunda parte huius potestatis.

ARTICVLVS IV.

Vtrum potuerit Christus suam potestatem ministris communicare?

Respondetur; Potestatem Auctoritatis non potuisse alicui communicare: quia est ipsi propria secundum diuinitatem. Potestatem autē excellentis ministerij potuisse communicare.

Aduerte tamen, non decuisse ut reipsa hæc Potestas excellentis ministerij alicui communicaretur; tum, ne essent duo summa Capita in Ecclesia eiusdem generis, habentia parem potestatem: tum, ne in alio quam in ipso spem nostram collocaremus.

Sancti potuerunt Indulgencias meritorias Sacra- menta.

Dices, Merita Sanctorum operantur in Indulgencij vna cum meritis Christi: cur non similiter in Sacraentis? Respondeo, est dispar ratio. Primo, Quia Sacraenta sunt fundamenta religiosis, & radices meritorum qua sunt in Sanctis unde oportebat ut ex solo fonte gratiae Christo vim habenter. Secundò, Quia Sancti non potuerunt alijs mereri ex condigno gratiam & remissionem culpe, qui est effectus Sacraento-

rum: potuerunt tamen remissionem pœnae temporalis, qui est effectus Indulgentiarum.

ARTICVLVS V.

Vtrum per malos Ministros possint Sacraenta conferri?

Notandum est, Hic agi de malis ministris Catholicis; nam de hereticis agitur articulo 9. Donatistæ senserunt sacerdotes, qui essent & aii ue manifestè peccatores, carere omni potestate administrandi Sacraenta; & id est, si attentent, esse irrita. Refert hoc D. August. lib. 2. contra Cresconium cap. 17. & 18. Hunc errore postea fecuti sunt Waldenses, idem quoque sentientes de occulto peccatore: vt refert D. Antoninus 4. parte Summa. tit. 11. cap. 7. §. 2. Denique Wiclef & Hus, addentes etiam præscitos, id est, reprobos, quantumuis videantur iusti, omni potestate carere.

Sed fide tenendum est; Per malos ministros & Affirmatur perditæ vita, si nihil aliud ex requisitis deest, Sacraenta legitima conferri, & suscipientes per illa sanctificari. Est definitum in Concilio Conflantensi sess. 8. vbi damnantur Articuli Wiclef, inter quos quartus est, *Si Episcopus vel. Sacerdos est in peccato mortali, non ordinat, non conficit, non consecrat, non Baptizat.* Et sess. 15. vbi damnantur Articuli Ioannis Hus, inter quos octauus est, *Mali ministri carent omni potestate.* Idem definitur in Concilio Trident. sess. 7. can. 12. *Si quis dixerit ministrum in peccato mortali existentem (modo omnia essentialia, que ad Sacraentum conficiendum & conferendum pertinent, seruauerit) non confidere, aut non conferre Sacraentum, Anathema sit.*

Probatur Primò, Ex Scripturis. 1. ad Corinth. Ex Script. 4. v. 2. *Hic iam queritur inter dispensatores, ut fidelis quis inueniatur: ergo potest esse dispensator, qui non sit fidelis.*

Probatur Secundò, Testimonij Patrum. D. Ex Patri. Augustinus probat id septem libris contra Donatistas. Tract. 5. in Ioannem ex eo quod Scripturæ dicit, *Hic est qui Baptizat;* sic ait. *Si Christus Baptizat principiter in omni Baptismo, cuipse sit eximere sanctus, poterit per quemvis etiam sceleratum, aliam sanctificare:* & adferat exemplum: *sicut aqua non manet, sed transit per canalem lapideum ad irrigandum areolas; ita gratia per ministrum.* Nazianzenus oratione in sanctum Baptisma, probat hac similitudine: *Quia tam benè per annulum ferreum imprimitur figura Regis in cera, quam per annulum aureum.* Chrysostomus homil. 8. in epist. 1. ad Corinthios. Vide apud Gratianum 1. qu. 1. Canon. *Multi secularium, qui desumpti est ex Gregorio Papa: & 15. qu. 8. Canone sciscitibus, ex Nicolao primo ad Consulta Bulgarorum.*

Probatur Tertiò, Ratione: Quia Sacraenta non conferunt gratiam ex meritis ministri, sed ex meritis Christi: ergo demerita ministri non possunt Sacraenta virtutem impedire. Confirmatur, Quia sicuti ministri sua merita non conferunt potestatem, ita nec demerita potestatem auferre debent, cum hæc potestas non detur propter ipsos, sed propter Ecclesiæ utilitatem. Hoc argumento crebro vitetur D. August. ut tractatu 5. in Ioannem, & lib. 3. contra Cresconium cap. 6. Secundò,